

外科正宗
五十六

色建公

今改昌瑞



重訂外科正宗自錄

卷之一

癰疽原委論第一

癰疽治法總論第二

癰疽陽症歌第三

癰疽陰症歌第四

癰疽半陰半陽症第五

癰疽五善歌第六

卷之二

癰疽七惡歌第七

治病則例歌第八

癰疽灸法禁灸瘡穴第九

論病生死法第十

察形色順逆第十一

病有三因受病王治不同論第十二

調理須知十三

雜忌須知十四

卷之三

癰疽圖形十五 附癰疽諸症瘡各十條

卷之四

腦疽論十六

疔瘡論十七

脫疽論十八

卷之五

瘰癧論十九

鬚疽論二十

咽喉論二十一

卷之六

時毒論二十二

癰瘡論二十三

肺癰論二十四

流注論二十五

卷之七

乳癰論二十六 附乳岩

附骨疽論二十七 附鶴膝風

腸癰論二十八

臍毒論二十九

卷之八

痔瘡論三十

下疳論三十一

魚口便毒論三十二

囊癰論三十三

懸癰論三十四

腎癰論三十五

卷之九

楊梅瘡論三十六

結毒論三十七

多骨疽論三十八

陰瘡論三十九

傷寒發頤四十

疔發四十一

癰疽四十二

小兒癰四十三

鵠口疽四十四

龍泉疽虎鬚毒四十五

石榴疽四十六

穿骨疽四十七

大麻風四十八

翻花瘡四十

腋癰五十

脇癰五十一

鼻痔五十二

骨槽風五十三

紫白癰風五十四

卷之十

齒病五十五

腦漏五十六

破傷風五十七

跌撲五十八

金瘡五十九

杖瘡六十

湯潑火燒六十一

甲疽六十二

繭唇六十三

瘡癰六十四

天蛇毒六十五

頭痛六十六

合公毒六十七

鼻出血六十八

牙縫出血六十九

血箭血痢七十一

鵝掌風七十一

腎囊風七十二

疥瘡七十三

臙瘡七十四

血風瘡七十五

頑癬七十六

膿窠瘡七十七

凍風七十八

火丹七十九

天泡八十

肺風粉刺酒皰鼻八十一

雀斑八十二

油風八十三

白屑風八十四

耳病八十五

漆瘡八十六

竹木刺八十七

瘰癧瘡八十八

卷之十一

疥癩八十九

痰包九十

癩風九十一

溼腫九十二

咬傷九十三

風犬瘡九十四

女人面生鰐黑斑九十五

鈕叩風九十六

枯筋箭九十七

婦人腳了作癢九十八

手足破裂九十九

眼丹一百

黑子一百一

眼胞腫毒一百二

體氣一百三

白赤癢一百四

奶癬一百五

蟻拱頭一百六

小兒遺毒爛斑一百七

蟻蛄串一百八

小兒痘風瘡一百九

小兒赤遊丹一百十

走馬疳一百十一

重舌一百十二

胎瘤一百十三

鵝口瘡一百十四

痘癰一百十五

痘疔一百十六

黃水瘡一百十七

卷之十二

大人口破一百十八

臭田螺一百十九

牛程躑一百二十

僵螂蛭一百二十一

田螺泡一百二十二

腹痛一百二十三

陰虱一百二十四

葡萄疫一百二十五

百蟲入耳一百二十六

蠚蟲叮咬一百二十七

人面瘡一百二十八

誤吞針鐵骨哽咽喉一百二十九

中吐毒一百三十

落頭須拿法一百三十一

救自刎斷喉法一百三十二

陰毒一百三十三

失榮症一百三十四

試知百病死生法一百三十五

造孽報病說一百三十六

仙方活命飲今古不同論一百三十七

拾遺症一百三十八

唇風一百三十九

綳縛皆瘡一百四十

癰疽肉不合一百四十一

煉元明粉一百四十二

取紅鉛法一百四十三

煉金頂砒法一百四十四

煉硝石法一百四十五

取蟾酥法一百四十六

製附子法一百四十七

昇白靈藥法一百四十八

製寒食麵法一百四十九

逐日人神歌一百五十

十二時人神歌一百五十一

尻神歌訣一百五十二

製炒諸藥一百五十三

醫家五戒一百五十四

醫家十要一百五十五

開割披鍼喉針形一百五十六汗斑方一百五十七

壽外科正宗卷之五

癰癤類第十九

癰癤者有風毒執毒氣毒之異又有癰癤筋癰痰癰之殊風毒者外受風寒伏於經絡其患先寒後熱結核浮腫熱毒者天時亢熱暑中三陽或內食膏粱厚味釀結成患色紅微熱結核堅腫氣毒者四時殺厲之氣感冒而成其患耳項胸腋驟成腫塊令人寒熱頭眩項強作痛癰癤者累累如貫珠連接三五枚此不足寒熱其患得於悞食蟲蟻鼠殘不潔之物又或汗液宿茶陳水混入而食其患先小後大初不覺疼久方知痛筋癰者憂愁思慮暴怒傷肝蓋肝主筋故令筋縮結蓄成核生於項側筋間形如基于堅硬大小不一或陷或突久則虛羸多生寒熱勞怒則甚痰癰者飲食冷熱不調饑飽喜怒不常多致脾氣不能傳運遂成痰結初起如梅

如李生及遍身久則微紅後必潰破易於收斂凡觀此症別其風
母者散其風除其濕如防風解毒湯之類是也熱毒者清其脾瀉
其熱連翹消毒飲之類是也氣毒者調其血和其氣藿香正氣散
之類是也癰癰者散其堅和其血散腫潰堅湯之類是也筋癰者
和其肝解其鬱柴胡清肝湯之類是也痰癰者豁其痰行其氣苓
連二陳湯之類是也又有寡婦尼僧鰥夫庶妾志不得發思不得
遂積想在心過傷精力此勞中所得者往往有之最為難治有此
元養心血次開鬱結益腎安神疎肝快膈如歸脾湯益氣養榮湯
俱加香附青皮山梔貝母木香之類是也又男入不宜太陽青筋
明熱咳嗽自汗盜汗女人又忌眼內紅絲經閉骨蒸五心煩熱男
有此後必變為癆瘵難治之症但此體實者初起可服散腫潰
至攻利之藥得効者十中三四有不察虛實盡劑迫伐損傷元氣

致成壞病者十有八九此非患者之命自出醫人之手予嘗遇初起成核服前藥未効者用針刺核內深入三四分用冰蠟散搽成條插入核內糊紙封上待至二七後核子自然落出隨用紅黑二膏搽貼內服補劑不久便愈又常見斑毛牽牛巴霜大黃追蝕等用往往致其危亡者多矣切宜戒之

癰瘡看法

起核高腫痛色紅軟活微作寒熱肩項不强者易已成根不堅硬內無小核相叢脾健氣血不衰者易已潰膿稠肉色紅活核腫漸消肩項自便漸斂者順潰後易消易斂氣體平和胸膈寬利飲食知味者順未成形體消瘦寒熱往來結核頑硬痰嗽相兼者險已成核堅連續如珠大小不等項強筋急脉虛者險已潰膿水清稀肌肉消鑠自汗盜汗寒熱不睡者逆潰後陰虛煩躁作渴泄秘男

丁骨蒸女人經閉俱逆

癰癰治法

起腫痛增寒壯熱四肢拘急項強頭眩者表散之腫硬發熱便利
口乾胸膈不利惡心脉實者宜利之膏粱厚味醇酒積熱濕痰凝
結而成化痰降火清中憂思過度鬱怒傷肝筋縮結核者宜養血
開鬱疏肝房慾勞傷陰虛補熱自汗咳嗽形消瘦者滋腎健脾失
利忘名懷抱鬱結積想在心所如不得遂隔陰陽虛敖歲月所得
此者精血俱傷先養正氣次治標病堅而不潰腐而潰之潰而不
斂補而斂之皆活法也

癰癰治驗

男人項核腫痛拘急惡寒用荆防敗毒散二劑表症悉退餘核不
消用散腫潰堅湯加川芎香附貝母十餘服其核漸消外以琥珀

膏貼之月餘而安

一男人仲冬渡江暴發惡氣又值驚恐次日寒熱交作頭面耳項俱腫先以藿香正氣散二服寒熱亦止面腫漸消惟項間堅腫不退紅嫩作痛此毒聚必欲作膿仍用正氣散加芫歸皂刺數服候膿熟針之腫痛頓退又以十全大補湯健脾肌生完口

一婦人孀居六載子幼未立憂鬱成核半年又兼經水不調寒熱交作形體消瘦脉亦弦數此勞傷氣血肝火妄動而成斯疾也所謂損者益之不可用追飮之藥損而復損先用逍遙散加香附牡丹皮貝母和其血脉疎其肝氣使寒熱盡退次用益氣養榮湯服至月餘氣血漸復經事漸調元氣漸醒外用火針核上點破四孔用黃線藥插入五六次候至孔大換用水蠅散搽於核上封之至十三日外其核自落外搽玉紅膏生肌收斂內服人參養榮湯加香

附本香三十餘劑其口自完此婦頓起居回七情戒口味盡調理故可得愈否則必不能矣

室女年十七因父擇婿未遂耽至二旬懷抱日久項生數核堅硬如石此肝經凝結筋縮之病也又兼經水斷絕寒熱如瘧咳嗽脈數惟不顫紅此陰虛火動已成勞瘵症也非藥能愈視其形狀喜無敗色予曰欲治此病先治其心猶可父問曰何藥治心予曰非藥也易云天地氤氲萬物化醇男女媾精萬物化生此天地男女生成化育之道也斯病獨起於孤陰寡陽不生不化所謂逆理之病此女大失配謂當至而不至漸成失度之疾其病不生而自生非已作也由時變也故藥不能挽回必得陰陽和而雨澤降夫婦和而家道成斯時之後用藥方可彼父始悟隨即擇嫁三月後復請視之前症稍定先用逍遙散加香附青皮山梔丹皮貝母十餘

劑開鬱疎肝寒熱漸止次以人參養榮湯加丹皮紅花通其血脈
使心血易生容顏稍澤又用益氣養榮湯倍參朮培助脾胃增進
飲食間用歸脾湯加麥冬五味遠志沙參收斂神氣寬慰性情又
製參朮地黃膏服至半年精神頓復經事亦通惟核不能全退用
火針點破一核琥珀膏貼之漸腐爲膿又兩月而得收斂餘腫三
核漸針漸潰漸斂首尾純用補脾開鬱藥調理一年始得全愈也
一男子年近三十項生數核面白神勞皮癯脉數此元氣受傷之症
也先當補養氣血待根本壯實後治其瘡隨用養榮健脾藥十餘
劑未効彼以爲緩又信方士所惑圖內消之自服斑貓巴麝之藥
連瀉十數行後致小便淋瀝不已虛熱更增飲食減少又復請視
形色內敗不堪調理辭而不治彼後方悔雖請內醫強投扶助降
火之藥終不應而死

婦壯年性急夫蕩不爲家左項生核半載漸至雞卵大堅硬如石皮外紅絲纏繞左右脉俱弦數弦屬肝火妄動數乃脾熱之甚先用梔子清肝湯平伐肝木五服後而脉始平又以清肝解鬱湯數服散其鬱結次用益氣養榮湯調其氣血間服散腫潰堅湯軟其堅腫外以琥珀膏貼之調理百日而元氣乃復堅硬已消八九止存小核未盡彼以爲愈止不服藥後又一載值夫賭訟未勝暴急驚恐前腫復作兩手脉診細而多數此陰血虧損陽火乘之非前有餘症也又兼胸膈不利飲食無味經水先期過多形容憔悴不澤此神傷於思慮則肉脫意傷於憂愁則肢廢魂傷於悲哀則筋攣魄傷於喜樂則皮稿志傷於暴怒則腰脊不能俯仰以上俱七情內損症也法當滋養氣血調和脾胃益腎清心開鬱散滯庶保無虞彼不肯信仍前欲服散腫潰堅之藥欲灸腫上圖內消之予